

Nappaatit tunillaassortut akiorniarlugit iliuutsit pillugit Inatsisartut peqqussutaat

Kalaallit Nunaanni Peqqinnissamik Isumaginnittooqarfik pillugu inatsimmi nr. 369-imi 6. juni 1991-imeersumi § 1 aamma § 3 tunngavigalugit makku aalajangersarneqarput:

Kapitali 1.

Siunertaa atuuffialu

§ 1. Makku pinaveersaartinneqarnissaat siunertalaralugu

1) nappaatit tunillaassortut § 2-mi taaneqartut nunami maani tunillaassornissaat, aamma
2) nappaatit taakku tunillaassuunnerisa nunamut maanga equnneqarnissaat maangalu nunanut allanut
anninneqarnissaat, tunillaassortunik nappaalanersuaqarneranut ataatsimiititaliarsuup § 3-mi taaneqartup
iliuuserisassat kapitali 3-mi aamma 4-mi taaneqartut aallartisarsinnaavaat.

§ 2. Nappaatit ulorianartutut nalinginnaasumik isigineqartut aamma nappaatit tunillaassuuttut allat
allassimaffik A-mi aamma allassimaffik B-mi peqqussummut matumunnga ilanngussami ilaatinneqartut
Inatsisartut peqqussutaanni pineqartunut ilaatinneqarput, taamaattorli tak. § 22.

Imm. 2. Allattorsimaffiit imm. 1-imi taaneqartut Peqqinnissaqarfimmik Nakkutilliisoqarfimmiup
tusarniaaffigereerneratigut Naalakkersuisut allanngortissinnaavaat, kiisalu nutaanik
allattorsimaffiliorsinnaallutik.

Imm. 3. Kinguaassiuutitigut nappaatit peqqussummi matumani pineqartunut ilaatinneqanngillat.

Kapitali 2.

Tunillaassortunik nappaalanersuaqarneranut ataatsimiititaliarsuaq

§ 3. Tunillaassortunik nappaalanersuaqarneranut ataatsimiititaliarsuaq nunamut tamarmut atuuttoq
pilersinneqassaaq, ilaasortarissallugillu Politimesteri, Peqqinnissaqarfimmik Nakkutilliisoqarfimmi
nakorsaq, Nersutit nakorsaasa pisortaat, Akileraartarnermi Pisortaqarfimmiup pisortaa kiisalu ilaasortat allat
pingasut, taakkunannga marluk Naalakkersuisut toqqagaat, ataaserlu KANUKOKA-p toqqaga.

Imm. 2. Ilaasortat Naalakkersuisut imm. 1 malillugu toqqagaat Naalakkersuisunut ilaasortaassanngillat.

Ilaasortanik pineqartunik toqqaaneq piffissamut Inatsisartut qinigaaffiannut atuuppoq. Inatsisartunut
qinersinerup kingorna naalakkersuisunngortut tunillaassortunik nappaalanersuaqarneranut
ataatsimiititaliarsuarmi ilaasortassanik marlunnik toqqaassapput, ilaasortaareersulluunniit toqqaqqillugit.

Imm. 3. Ilaasortap imm. 1 malillugu KANUKOKA-p toqqagaata ilaasortaanera piffissaq kommunimut
qinersivik malippaa.

Imm. 4. Politimesteri tunillaassortunik nappaalanersuaqarneranut ataatsimiititaliarsuarmi siulittaasuuvvoq.

§ 4. Ilanngaaserisoqarnermi akileraartarnermilu oqartussat, politiit, umiarsualiveqarnermut oqartussat, Mittarfegarfit, ilisimasortat uumasullu nakorsaat, Namminersornerullutik Oqartussanit atorfegartitaasut, tunillaassortunik nappaalanersuaqarneranut ataatsimiititaliarsuaq Inatsisartut peqqussutaat manna malillugu pisussaaffimminik ingerlatsinerani ikiussallugu pisussaaffiligaapput.

Imm. 2. Tunillaassortunik nappaalanersuaqarneranut ataatsimiititaliarsuuup aalajangersinnaavaa, iliuuserisassat aalajangersimasut kapitali 3-mi 4-milu taaneqartut ilaat piumasqaatitut aalajangersakkat erseqqinnerusut tunngavigalugit ataatsimiititaliarsuarmi ilaasortanit ataasiakkaanit imaluunniit nakorsanit ataatsimiititaliarsuarmut attuumassuteqartinneqartunit aallartisarneqarsinnaassasut.

Imm. 3. Tunillaassortunik nappaalanersuaqarneranut ataatsimiititaliarsuuup nakorsanik ikiorteqartinneqarnera pillugu malittarisassanik Naalakkersuisut aalajangersaasinnaapput.

Kapitali 3.

Nunami maani nappaatit tunillaassortut akiorlugit iliuutsit

§ 5. Tunillaassortunik nappaalanersuaqarneranut ataatsimiititaliarsuaq peqqusisinnaavoq kinaluunniit nappaammik tamanut ulorianartumik nappaateqartoq taamaattumilluunniit nappaateqarsorineqartoq nakorsamit misissortissasoq, pisariaqarpallu pineqartoq misissugaritinnissani siunertaralugu napparsimmavimmut imminut unitsissasoq.

Imm. 2. Peqqusissut taamaattoq malinnejanngippat pineqartoq politiit ikorsiullugit nakorsamut misissortinneqarsinnaavoq, taamatuttaarlu pineqartoq misissugaritinnissani siunertaralugu napparsimmavimmut pisariaqarpat politiit ikorsiullugit pinngitsaalillugu unitsinneqarsinnaalluni.

§ 6. Tunillaassortunik nappaalanersuaqarnerernut ataatsimiititaliarsuaq peqqusisinnaavoq kinaluunniit nappaammik tamanut ulorianartumik nappaateqartoq taamatulluunniit nappaateqarsorineqartoq allanut attaveqarnerminik imminut matussaatissasoq, pisariaqarpallu napparsimmavimmut unissasоq.

Imm. 2. Peqqusissut taamaattoq malinnejanngippat pineqartup allanut attaveqarnera mattunneqarsinnaavoq napparsimmavimmut pinngitsaaliiikkut politiit ikorsiullugit unitsinneqarneratigut.

Imm. 3. Nappaatip tamanut ulorianartutut isigineqartup tunillaassuunnissaa imm. 1 malillugu mattussinikkut pinngitsoortinneqarsinnaanngippat, Peqqinnissaqarfimmik Nakkutliisoqarfiup inassuteqarneratigut Naalakkersuisut peqqusisinnaapput pinngitsaaliiikkut katsorsaaneq aallartisarneqassasoq.

§ 7. Tunillaassortunik nappaalanersuaqarneranut ataatsimiititaliarsuaq peqqusisinnaavoq nunap ilaa nappaammik tamanut ulorianartumik nappaalaffiusoq mattunneqassasoq, taamaaliornikkut avataaneersunik attaveqarfiginnineq pisariaqarnera naapertorlugu mattunneqarluni, taamatuttaarlu nunap ilaani tessani ataatsimiinnerit tamanut ammasut ingerlanneqarnissaat ataatsimiititaliarsuuup inerteqqutigisinnallugu. Taamaattorli taamatut iliuuseqarnerit sapinngisamik piaernerpaamik atorunnaarsinneqartassapput.

§ 8. Nappaatip tamanut ulorianartup siaruaannissaa pinngitsoortinniarlugu Peqqinnissaqarfimmik Nakkutliisoqarfiup inassuteqarnera malillugu Naalakkersuisut peqqusisinnaapput nunap ilaani erseqqinnerusumik killiligaasumi imaluunniit inuit ataatsimoortut erseqqinnerusumik kikkuussusilerneqartut pinngitsaalillugit nappaammut akiuussutissalorsorlugin kapitissasut.

§ 9. Toqusoqarnerani nappaammik tamanut ulorianartumik toqquteqartoqarnera pasitsanneqarpat, Peqqinnissaqarfimmik Nakkutliisoqarfik isumaqatiginiareerlugu tunillaassortunik

nappaalanersuaqarneranut ataatsimiititaliarsuaq peqqusisinnaavoq timimik toqungasumik pilattaanikkut misissuisoqassasoq.

§ 10. Peqqinnissaqarfimmik Nakkutilliisoqarfip inassuteqarneratigut Naalakkersuisut aala-jangiisinjaapput nappaatinut tamanut ulorianartunuinnaq iliuuserineqartartut, tak. §§-it 5-9, nappaatinut tunillaassortunut allanut aamma iliuuserineqassasut, taakku perulunnartumik imaluunniit annertuumik siammarlutik atugaappata, imaluunniit peqqinnissakkut eqqiluisaarnermi pissutsit atuuttut tunillaassuuttoqarnissaa immikkut annertuumillu ulorianaateqarpata.

§ 11. Tunillaassuuttup suussusia, pilerfia siammaassimassusialu qularnaatsumik paasiniarlugu iliuuserisassatut pisariaqartutut nappaammik tunillaassortitsisunik uumasuaqqanik tappiorannartoqarneranik misissuinerit taakkuluunniit assigisaat tunillaassortunik nappaalanersuaqarneranut ataatsimiititaliarsuup aallarnisartissinnaavai.

Imm. 2. Suliffeqarfip inuussutissanik nioqqutissiorneratigut nioqqutissiaminillu siammerterineratigut tunillaassuunnerup siammaanneqarnissaa aarlerinaateqarpat tunillaassuussinnaaneq unitsinniarlugu ataatsimiititaliarsuup pisariaqarpat peqqusissutigisinjaavaa suliffeqarfik pineqartoq tamakkiisumik ilaannakortumilluunniit matuneqassasoq, imaluunniit inuup tunillannartumik timimiullip suliffeqarfimmuit isernissaa inerteqqtigisinjaavaa.

Imm. 3. Inuit nappaammik Inatsisartut peqqussutaanni matumani pineqartumut ilaatinneqartumik nappaatillit angallassisutinik tamanit atorneqartartunik atuinissaat ataatsimiititaliarsuup inerteqqtigisinjaavaa.

§ 12. Tunillaassortunik nappaalanersuaqarneranut ataatsimiititaliarsuup peqqusissutigisinjaavaa malittarisassat Naalakkersuisut aalajangersagaat malillugit inuit tunillatsissimasut tunillaassortumilluunniit timimiullit kiisalu inuit taakkununnga attaveqarsimasut tunillannartuiartinnejnarerat aallartisarnejqassasoq. Aammattaaq angallassisutit aamma pigisat aalaakkaangitsut allat kiisalu pigisat aalaakkaasut il.il. tunillannartuiarnejqarnissaat ataatsimiititaliarsuup peqqusissutigisinjaavaa.

Imm. 2. Aammattaaq Peqqinnissaqarfimmik Nakkutilliisoqarfik isumaqatigiinniuteqarfereerlugu tunillaassuuttoqarnera pingitsoortinniarlugu iliuuserisassat allat suussusii annertussusiilu killilikkat ataatsimiititaliarsuup aallarnisarsinjaavai.

Kapitali 4.

Nappaatit tunillaassuuttut nunamut maanga eqqunneqarnissaat akiorlugu iliuutsit

§ 13. Umiarsuup tikinnerani umiarsuup naalagaata, umiarsuarlu nakorsaqarpat nakorsaata, tunillaassortunik nappaalanersuaqarneranut ataatsimiititaliarsuaq ataatsimiititaliarsuarluunniit sinnerlugu iliuuseqartartoq umiarsuup angalanerata nalaani piffissamilu tikiffiusumi umiarsuarmi peqqissuseq pillugu nalunaarfigissavaa. Timmisartup tikinnerani paassisutissiinissamut pisussaaffik timmisartup naalagaata taassumaluunniit piginnaatitaata pisussaaffigaa.

Imm. 2. Imm. 1 tunngavigalugu paassisutissat suut taakkulu qanoq iliorluni nalunaarutigineqarnissaat pillugu malittarisassat erseqqinnerusut Naalakkersuisut aalajangersassavaat.

§ 14. Inuit umiarsuarmiittut timmisartumiittulluunniit inunnik nunamiittunik naapeqateqassanngillat tunillaassortunik nappaalanersuaqarneranut ataatsimiititaliarsuaq ataatsimiititaliarsuulluunniit taamaaliornissamut piginnaatitaa akuersissuteqariinngippat.

Imm. 2. Inuit killeqanngitsumik naapeqatigiinnissaannut akuersisoqarsimanissa ilanngaaserinermi

akileraartarnermilu oqartussaasut, imaluunniit Akileraartarnermi Pisortaqarfimmit inuit piginnaatitat nakkutigissavaat. Taamaattorli Naalakkersuisut aalajangiisinjaapput nakkutilliineq oqartussaasumit allamit isumagineqassasoq.

§ 15. Naalakkersuisut aalajangiisinjaapput §§-ini 13-imi aamma 14-imi malittarisassat umiarsuarnit timmisartunillu aalajangersimasumik ingerlaartarfearlutik akuttunngitsumik tikittartunit kiisalu ilisimasortat angallataannit, aalisariutinit angallatinillu mikinerusunit saneqqunneqarsinnaasut.

Imm. 2. Naalakkersuisut aalajangissavaat oqilisaassisutit suut sakkutuut umiarsuaannut sakkutuullu timmisartuinut atutissanersut.

Imm. 3. Nunanut allanut isumaqtigiiissutit eqqortinneqarnissaat siunertaralugu §§-ini 13-19-imi malittarisassat Naalakkersuisut saneqqussinnaavaat.

§ 16. Tunillaassortunik nappaalanersuaqarneranut ataatsimiitaliarsuup peqqussutigisinnaavaa kinaluunniit nunamut maanga tikittoq nakorsamit misissortissasoq, pineqartorlu pisariaqarpat napparsimmavimmut imminut unitsilluni misissugaritilluni.

Imm. 2. Peqqusissut malinnejanngippat politiit ikorsiullugit pineqartoq nakorsamut misissortitussanngorlugu sassartinneqarsinnaavoq, taamatuttaarlu pineqartoq pisariaqarpat politiit ikorsiullugit napparsimmavimmut pinngitsaalillugu unitsinnejarsinnaalluni misissugarisassangortillugu.

§ 17. Kinaluunniit nunamut maanga tikittoq §§-ini 6-12-imi malittarisassanik malinnittussaatiaavoq.

§ 18. Inatsisartut peqqussutaanni matumani nappaatit eqqunnejarnissaat siammerneqarnissaallu pitinnaveersaarnissaanni pineqartunut ilaatinneqartut pillugit nassiusanut, nassatanut allakkanullu suut iliuuserineqarnissaat pillugu malittarisassat Naalakkersuisut aalajangersassavaat.

Imm. 2. Teriarsuit kikkaasullu allat nappaammik Inatsisartut peqqussutaanni matumani pineqartunut ilaatinneqartumik nunamut maanga tunillannartumik eqquassinissaat nunamilluunniit maannga annissinissaat pinngitsoortinniarlugu suut iliuuserineqarnissaat pillugit malittarisassat Naalakkersuisut aalajangersassavaat. Imm. 1-imi malittarisassani taaneqartuni Naalakkersuisut aalajangersasinjaapput ilanngaaserinermi akileraartarnermilu oqartussaasut iliuuserisassanik pisariaqartunik tunillaassortunik nappaalanersuaqarneranut ataatsimiitaliarsuup § 4 tunngavigalugu ilanngaaserinermi akileraartarnermilu oqartussanut ikuuttussaatitsiviini teriarsuarnik nungusaasartutut akuerisaasoq ikiuutsinnejassasoq.

§ 19. Tunillaassortunik nappaalanersuaqarneranut ataatsimiitaliarsuup qinnuteqartoqarneratigut upernarsaatit makku (nappaateqartoqarnera pissutigalugu immikkoortinneqarnissamik upernarsaat) assartuinermut isumaginnittup naalagaanut akeqanngitsumik tunniutissavai

- 1) umiarsuit, timmisartut biillu peqqussut manna tunngavigalugu sunik iliuuseqarfingineqarsimanersut,
- 2) angallassissutip suani taamatut iliuuseqartoqarsimanersoq,
- 3) periaaseq atorneqarsimasoq, aamma
- 4) tamakkuningga iliuuseqarsimanerup aallartinneqarneranut pissutaasoq.

Imm. 2. Timmisartunut tunngatillugu qinnuteqartoqarneratigut timmisartumut allagartaliussaasartoq nalinginnaasoq ("General Declaration") upernarsaammut ilanngunnejassaaq.

Imm. 3. Tunillaassortunik nappaalanersuaqarneranut ataatsimiitaliarsuup qinnuteqartoqarneratigut upernarsaat akeqanngitsumik ukununnga tunniutissaavaa

- 1) angalasumut kimulluunniit ulloq tikiffia kiisalu pineqartup taassumalu nassataasa sunik iliuuseqarfingineqarsimanerat pillugu, aamma

2) nassiuasanut iliuuseqarfingineqarsimasunut nassiusisumut, tigusisumut nassiuasanillu angallassisumut taakkuluunniit sinnisaannuut.

Kapitali 5.

Aalajangersakkat assigiinngitsut

§ 20. §§ 5, 6, 7 aamma 16 tunngavigalugit peqqussuteqarnikkut kiffaanngissusiiasumik iliuuseqarnerni aamma peqqussutit taamaattut atorunnaarsinneqarnissaannik qinnuteqaatit itigartinneqarnerini pineqartoq tunillaassortunik nappaalanersuaqarneranut ataatsimiititaliarsuup Kalaallit Nunaanni eqqartuussisarneq pillugu inatsimmi malittarisassat malillugit eqqartuussivikkoortumik misiliisitsinissamut periarfissat pillugit ilitsersussavaa.

§ 21. Kinaluunniit inummik ilisarisimasami akornanni imaluunniit paarsarisaminik nappaammik tamanut ulorianartumik nappaatilimmik ilisimasaqartoq nakorsamut politiinulluunniit tamanna pillugu piaarnerpaamik saaffiginnissaaq, nappaat pineqartoq pillugu nalunaaruteqartoqareersimannngippat. Nalunaaruteqarneq pisariaqanngitsumik kinguarsaanani tunillaassortunik nappaalanersuaqarneranut ataatsimiititaliarsuarmut ingerlateqqinnejqassaaq.

§ 22. Tunillaassortumik nappaalasoqalersillugu atuarfinnut suliffeqarfinnullu tunngatillugu malittarisassanik Naalakkersuisut aalajangersaassapput. Malittarisassat taamaattut nappaatinut tunillaasortunut § 2-mi taaneqartunit allaasunut atuarfinni suliffeqarfinnilu tunillaassuunnissaat immikkut ulorianaatilinnut aamma atuutsinneqalersinnaapput.

§ 23. Inatsisartut peqqussutaani matumani nappaatit tunillannartut ilaatinneqarlutik pineqartunit pisunit nappaatip tunillannartuanik eqqussineq, niueruteqarneq, suliarinninneq, toqqortarininninneq annissinerlu pillugit malittarisassanik Peqqinnissaqarfimmik Nakkutilliisoqarfip inassuteqarneratigut Naalakkersuisut aalajangersaasinnaapput.

§ 24. Siunertat § 1-imi taaneqartut isumagineqarnissaanut tunngatillugu timinik toqungasunik eqqussineq annissinerlu kiisalu taakku nunami maani suliarineqarnerat angallanneqarnerallu pillugit malittarisassanik erseqqinnerusunik Naalakkersuisut aalajangersaasinnaapput.

§ 25. Inuit kikkut inuilluunniit ataatsimoortukkaat kikkut tuberkuloseqarnerinik misissuisoqarnissaa pillugit malittarisassanik Naalakkersuisut aalajangersaasinnaapput.

§ 26. Nappaatinik tunillaassuuttunik akiuinermi nakorsat peqataanerat pillugit malittarisassanik Naalakkersuisut aalajangersaasinnaapput.

§ 27. Nappaatit tunillaassortut siaruarnissaat pinngitsoortinniarlugu Inatsisartut peqqussutaanni matumani kapitali 3 tunngavigalugu pinaveersaartitsilluni iliuuserisatut aallartinneqartunut atatillugu inunnik annaasaqarttsisoqarpat annaasaqartinneqartoq Nunatta karsianit taarsiivigeqqulluni piumasqaateqarsinnaatitaavoq.

Imm. 2. Imm. 1 malillugu taarsiissutissat amerlassusissaat tunillaassortunik nappaalanersuaqarneranut ataatsimiititaliarsuarmit aalajangersarneqassapput, ajoquserneqartoq isumaqatigiinniuteqarfingereerlugu. Taarsiissuteqarnissamut pisussaaffik taarsiissutissalluunniit amerlassusissaat isumaqatigiissutigineqarsinnaangippat ataatsimiititaliarsuaq pisussaavoq taarsiissuteqarnissamik apeqqut eqqartuussivinnut suliassanngortissallugu.

§ 28. Inatsisarut peqqussutaat malillugu aningaasartuutit tamaasa Nunatta karsiata akilissavai, matumani taarsiissutit § 27-mi taaneqartut ilanngullugit, ukuli pinnagit:

1) § 18, imm. 2 tunngavigalugu teriarsuarnik misissuisoqassappat nungusaasoqassappallu misissuinermut

nungusaanermullu aningaasartuutit malittarisassat Naalakkersuisunit aalaja-ngersarneqartut malillugit umiarsuup timmisartulluunniit piginnitaata akilissavai, matumani tunillaassortunik nappaalanersuaqneraneranuit ataatsimiititaliarsuup aningaasartuutaanut matusissutissat ilangullugit akilerlugit.

2) Umiarsuarmik timmisartumilluunniit tunillaassortumik nappaalanersuaqneraneranuit ataatsimiititaliarsuup naliliinera malillugu napparsimasunik timinilluunniit toqungasunik niusiartuinnarlutik umiarsualivissitsiartunut imaluunniit mittarfimmuit mitsiartunut piginnittup lnatsisartut peqqussutaat tunngavigalugu iliuutsinut aningaasartuutaasinnaasut akilissavai, inuup peqqissusiata qanoq issusianik pisariaqartumik nakorsap misissuinerinut tapertaasumillu misissuinernut allanut aningaasartuutit eqqaassanngikkaanni.

3) Pisuni nr. 2-mi taaneqartuni napparsimasut katsorsarneqarnerinut paaqqutarineqarnerinullu kiisalu toqusut ilineqarnerinut aningaasartuutit umiarsuarmik timmisartumilluunniit piginnittup akilissavai.

4) Sissarluusoqarnerani iliuutsinut lnatsisartut peqqussutaat tunngavigalugu aallarnisarneqartunut aningaasartuutit usit annaanneqartut nalinginit sapingnisamik matuneqartassapput.

5) Inuit piginnaatitaanatik umiarsuarmut timmisartumilluunniit akornuteqanngitsumik naapeqatigiinnissap akuerineqarnissa sioqqullugu ikisut taamaaliorermik kingunerisa- nik aningaasartuutit namminneq akilissavaat.

Imm. 2. Aningaasartuutit, pisortatut oqartussat imm. 1, nr. 1-5-imi taaneqartut pissutigalugit aningaasartuutigisariaqarsimasaat, pigisat nalillit qularnaveeqqusiullugit akiliisitsiniarneq pingitsaaliinikkut naammassisinniarneqarsinnaatitaavoq, tak. Kalaallit Nunaanni eqqartuussisarneq pillugu inatsit kapitali 7, § 1, imm. 3.

Kapitali 6.

Pineqaatissiissutit

§ 29. Inatsisitigut allatigut sakkortunerusumik pineqaatissiissuteqartoqarnissa aalajangersagaanngippat akiliisutaasussanngortitaalluni eqqartuussaasinnaavoq

1) § 21-mik unioqqutitsisoq,

2) § 5, imm. 1, § 6, imm. 1 aamma 3, § 7, § 11, imm. 2 aamma 3 kiisalu § 16, imm. 1 malillugit inerteqquatinik unioqqutitsisut imaluunniit peqqusinernik malinninngitsut.

Imm. 2. Inatsisartut peqqussutaat manna tunngavigalugu maleruaqqusaliani aalajangersasoqarsinnaavoq maleruaqqusaliani aalajangersakkanik unioqqutitsinerit akiliisutaasutissanngorlugit pillaammik pineqaatissiissuteqarfigineqarsinnaasut.

§ 30. Inatsisartut peqqussutaanni matumani aalajangersakkanik unioqqutitsinerit pillugit misissuilluni ujaarlernerit Kalaallit Nunaanni eqqartuussisarneq pillugu inatsimmi malittarisassat naapertorlugit pisinnaapput.

Kapitali 7.

Atuutilerfia

§ 31. Peqqussut manna ulloq 1. januar 2002 aallarnerfigalugu attuutilersinneqarpooq.

Imm. 2. Kalaallit Nunaannut umiarsuit tikinnerini peqqinnissakkut nakkutilliineq il.il. pillugit nalunaarut nr. 207, 26. april 1973-imeersoq atuutiinnassaaq, lnatsisartut peqqussutaat manna imaluunnit inatsit alla

tunngavigalugu malittarisassanit aalajangersarneqartunit atorunnaarsinnejarnissami
taarserneqarnissamiluunniit tungaanut

Namminersornerullutik Oqartussat, ulloq 12. november 2001.

Jonathan Motzfeldt

/

Alfred Jakobsen

Ilanngussaq 1

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut